



Universitätsbibliothek Paderborn

Instructio practica ...

De Munere Concionandi, Exhortandi, Catechizandi - Continens non tantùm
praecepta ad artem concionandi descendam accomodata, sed etiam Ideas
& Conceptus praticos pro Concionibus in Festis B. V. & SS. Dedicationis,
Patrocinij, Novi Anni, Paschatis, Parasceves; item in Primitiis Sacerdotum,

...

Lohner, Tobias

Dilingæ, 1679

§. 2. Quid sit Concio.

[urn:nbn:de:hbz:466:1-48347](#)

De Essentia Concionis.

4 esse miraculum prædicationis verbo, atque orationis solatio; peccatorem convertere, quam carne mortuum suscitare; quām præclarum erit censendum Prædictoris munus, per quod aptissima offertur occasio, non unam tantum, sed tam multas animas convertendi?

q. II.

Quid sit Concio?

Splendidissimi illud Ecclesiæ lumen S. Franciscus Salesius Concionem sic definit: *Est publicatio & declamatio divina voluntatis, facta hominibus, per eum, qui legitimè missus est, ad animas docendos & permouendos ad serviendum Deo in hac vita, ut in altera salvi fiant.* Quāquidem definitione omnia quatuor caussarum genera, quæ ad Concionem requiruntur, succinctè & nervosè complexus est, ut ex singularium particularum inspectione patebit.

Dicitur itaque primò, *publicatio & declamatio*: per quæ verba indicatur causa formalis Concionis, quæ in hoc consistit, ut ore vel lingua manifestetur & explicetur Auditoribus id, quod Deus ab iis exigere videtur; cùm enim Deus, teste S. Paulo 1. Tom. 2. *Omnis homines velit salvos fieri, & ad agnitionem veritatis venire;* ad hanc autem agnitionem non per se ipsum aut Angelos, sed per homines ex altissimo suæ divinitati sapientiæ consilio illos perducere decreverit, homines autem non nisi per voces aut verba docere se mutuò possint, merito prædicationis exercitium institui à Christo & Ecclesia debuit, ut benè S. Paulus ad Rom. 10. indicavit dicens: *Omnis, qui invocaverit nomen Domini, salvus erit; quomodo ergo invocabunt, in quem non crediderunt? aut quomodo credent in eum, quem non audierunt? quomodo autem audient sine prædicante?*

Dicitur Secundò *divina voluntatis*: per quæ verba causa materialis seu materia Concionis indicatur, quæ est voluntas divina; cùm enim perfectio & Beatitudine hominum in fruitione summi Boni, quod est Deus, consistat; fruitio autem ista per amorem tanquam unionem moralem, & formalem possessionem tanti Boni perfici debeat; Unio autem ista non physicè per Hypostaticum nexum, sed moraliter tantum, scilicet

De Essentia Concionis.

5

Sicut per voluntatis humanæ cum divina perfectam conformatio-
nem contingat, rectè colligitur principale objectum
prædicationis esse voluntatem divinam, per divinam revela-
tionem nobis manifestatam. Quia verò voluntas divina,
quæ adimplenda hominibus proponitur, duplex est, scilicet
prohibens & præceptiva, hinc in duas quoque partes obje-
ctum dividitur, nempe ut idem velint & nolint homines cum
Deo, in quibus Justitia humana, & perfectio consistit, uti Da-
vid psalmo 33. rectè his verbis indicavit: *quis est homo, qui
vult vitam, diligit dies videre bonos? declina à malo. & fac
Bonum, inquire pacem & persequere eam;* ad quæ proinde
principalia duo objecta omnes aliæ particulares materiæ
(quæ in concionibus tractari solent) revocari debent, id,
quod S. Franciscus suis fratribus succinctè & sapienter indi-
cavit, dum iussit, ut yitia & virtutes, infernum & paradysum
prædicarent.

Dicitur Tertiò *per eum, qui legitimè missus est:* per quæ ver-
ba caussa efficiens indicatur, quæ est Minister habens legitimi-
mam facultatem prædicandi; hæc enim facultas necessariò
requiritur, tum ut auctoritatem tribuar Concionatori; tum
ut efficaciam atque potentiam eidem conferat ad fructuosè
prædicandum, quæ duæ res sunt instrumenta summè neces-
saria ad munus hoc cum fructu & decentia obeundum, haberi
autem non possunt, nisi per legitimam facultatem seu missio-
nem. Et auctoritatem quidem, quod attinet, quod ea sperari
non debeat sine dicta missione, clarè S. Paulus ad Rom. 10.
indicavit, dum dixit: *Quomodo audient sine prædicante? Quo-
modo prædicabunt, nisi mittantur?* Hinc neque ipsi Apostoli
munus Prædicatoris prius suscepserunt, quam à Christo audi-
verunt Mathæi 28. *Euntes docete omnes gentes.* Quòd verò
ad efficaciam requiratur eadem missio, satis clarè Christus
Joannis cap. 15. indicavit dicens: *Ego sum vitis, vos estis pal-
mites; qui manet in me, & Ego in eo, hic fert fructum multum,*
quia sine me nihil potestis facere; quomodo autem manere
poterit in Christo, qui non ejus voluntate & imperio prædi-
cationis officium assumpsit?

Dicitur Quartò *ad eos docendos & permovendos:* per quæ
verba indicatur caussa finalis seu finis concionis, qui duplex
est, remotus & proximus, ex quibus iste per citata verba indi-

A 3

catur,

catur; *huc nimirum collimare debet proximè Concionator,*
ut illuminet, docendo vitia fugere & virtutes exercere; & accendat seu moveat ad id, quod docuit faciendum vel fugiendum; id, quod Christus non obscurè insinuavit, dum Spiritum Sanctum super Apostolos in specie ignearum linguarum misit, indicare scilicet volens, quemadmodum ignis proprium officium est illuminare & accendere; ita omnes quoque, qui linguas, id est, imperium & facultatem prædicandi Verbi divini à Deo acceperunt, geminas hæc proprietates possidere debere. Etsi verò interdum delectatio in concionibus quæri possit, hæc tamen non alia esse debet, ut monet *Sanctus Salesius*, quâm ea, quæ doctrinam & materiam sequitur.

Dicitur Quintò ad serviendum Deo in hac vita, ut in altera salvi fiant: Hic enim est finis ultimus Concionis, cùm ideo virtia fugere, & virtutes exercere homines debeant, ut voluntatem Dei adimplentes per eam justificantur, atque adeò veram vitam, quæ in possessione summi Boni consistit, obtinent, & conservent, id quod Christus Joannis 10. indicavit, dicens: *Ego veni, ut vnuam habeant, & abundantius habeant,* cùm ergo apud eundem dicat: *sicut me misit Pater meus, & Ego mitto vos, rectè concluditur*, eundem quoque finem concionatoribus propositum esse debere. Ex quo iterum obiter colligitur, quâm convenienter Concionatores Patribus familiis seu Hospitibus comparentur, cùm, sicut hoium potissimum scopus est, efficere, ut Convictores cibum sibi oblatum comedant, & sic vitam corporalem conservent; ita concionatores verbum divinum prædicare debent suis Auditoribus, ut vitam animæ habeant, & abundantius habeant per voluntatem divinam, de quâ Christus Jo. 4. dixit: *Meus cibus est, ut faciam voluntatem eius, qui misit me.*

§. III.

De primo officio Concionatoris seu Materiæ electione.

Sicut Paterfamilias antequam cibos præparet, & Convictoribus apponat, prius materias congregat, & circa hanc tria potissimum